



CENTRALE BANK VAN ARUBA

Perspectivanan marginal riba crecimiento economico pa Aruba

Comunicado di prensa¹

3 di mei 2019

Awe Banco Central di Aruba (BCA) a publica e 'Economic Outlook' pa 2019. E publicacion aki ta inclui proyecionnan revisa tambe di 2018 pa refleha e desaroyonan y datos mas recien.

E economia di Aruba ta proyecta pa expande den termino real cu 0,9 por ciento den 2019 (nominal: 2,4 por ciento), segun e proyecionnan mas recien di Banco Central di Aruba (BCA). A hisa e estimacion di e Producto Bruto Domestico (PBD) pa 2018 cu 1,4 punto di porcentahe te na 0,9 por ciento, pa motibo di ingreso mas halto for di turismo y un bahada den inversion mas chikito cu anticipa previamente.

Exportacion di servicionan turistico, e motor principal di crecimiento economico, ta calcula di a crece cu 2,7 por ciento (den termino real) durante 2018. E subida aki ta refleha e aumento den e cantidad di bishitante. E perspectiva pa turismo durante 2019 ta keda positivo, cu un crecimiento den exportacion di servicionan turistico di 2,6 por ciento (den termino real). Actividadnan relata na inversion a resulta mas halto den 2018 cu previamente anticipa, pero no suficiente pa yega na un aumento compara cu 2017. Den 2019, inversion ta proyecta pa expande significativamente. Consumo priva real a nota un bahada estima na 1,7 por ciento den 2018. Esaki ta principalmente e resultado di e introduccion di e impuesto nobo na juli 2018. Pa 2019, consumo priva probablemente lo nota atrobe un caida.

Aña 2018 a experiencia un tasa di inflacion promedio di 3,6 por ciento. Mientras cu e prijs di awa y coriente no a conoce cambio durante e aña, prijs di gasolin a subi gradualmente. Den 2019, ta anticipa cu e impuesto mas halto lo contribui na inflacion.

E PBD real ta proyecta pa crece cu un tasa promedio anual di 1,1 por ciento den e termino medio. Esaki ta basa riba informacion obteni riba proyectonan di inversion cu ta pendiente pa ehecuta, por ehempel, relaciona cu aeropuerto y varios proyecto relata na turismo. Riba termino medio, e balor di importacion ta premira di muestra un crecimiento structural. E crecimiento aki lo ta e resultado di un subida anticipa den prijs mundial di petroleo, un demanda pa consumo estima mas fuerte (di residente y turista) y tambe aumento den

¹ E original na Ingles ta prevalece.

volumen di inversion. Adicionalmente, e gobierno di Aruba ta anticipa pa financia menos debe den exterior, cual lo por tin un impacto negativo riba e reservanan internacional di Aruba den e añanan cu ta bin.

Tabel 1: Calculacionnan economico y proyeccionnan den termino real (cambio den porcentahe)

Indicator	2017 ^r	2018 ^p	2019 ^p
PBD	2,0	0,9	0,9
Consumo	n.d.	-0,5	0,1
Consumo priva	n.d.	-1,7	-0,2
Consumo publico	n.d.	2,3	0,8
Inversion	n.d.	-0,8	3,9
Inversion priva	n.d.	-1,9	6,2
Inversion publico	n.d.	32,2	-42,5
Exportacion	n.d.	2,1	1,9
Importacion	n.d.	2,7	2,6

Fuentenan: CBS (2017) y BCA (2018-2019).

r = realizacion; p = proyeccion; n.d. = no disponibel

E publicacion completo ta disponibel riba nos website (www.cbaruba.org).